

**სს საკრედიტო საინფორმაციო ბიურო
კრედიტინფო საქართველო**

ფინანსური ანგარიშგება

დამოუკიდებელი აუდიტორის დასკვნასთან ერთად

2019 წლის 31 დეკემბერს დასრულებული წლისთვის

შინაარსი:

დამოუკიდებელი აუდიტორის დასკვნა	3
---------------------------------------	---

ფინანსური ანგარიშგება

სრული შემოსავლის ანგარიშგება.....	6
ფინანსური მდგომარეობის ანგარიშგება.....	7
საკუთარი კაპიტალის ცვლილებების ანგარიშგება	8
ფულადი სახსრების მოძრაობის ანგარიშგება	9

ფინანსური ანგარიშგების განმარტებითი შენიშვნები

1. ზოგადი ინფორმაცია.....	10
2. მომზადების საფუძვლები	10
3. მნიშვნელოვანი სააღრიცხვო შეფასებები და გადაწყვეტილებები.....	11
4. ამონაგები.....	11
5. ხელფასები და სხვა სარგებელი.....	11
6. სხვა ხარჯები.....	12
7. მოგების გადასახადის ხარჯი.....	12
8. ძირითადი საშუალებები	13
9. არამატერიალური აქტივები	14
10. გრძელვადიანი აქტივებისთვის გადახდილი ავანსები.....	14
11. სავაჭრო და სხვა მოთხოვნები	15
12. ფული და ფულის ეკვივალენტები	15
13. სააქციო კაპიტალი და საემისიო კაპიტალი	15
14. სავაჭრო და სხვა ვალდებულებები.....	16
15. წინა წლის რეკლასიფიკაციები	16
16. ოპერაციები დაკავშირებულ მხარეებთან	17
17. პირობითი ვალდებულებები	18
18. საანგარიშგებო პერიოდის შემდგომი მოვლენები	18
19. ძირითადი სააღრიცხვო პოლიტიკის მიმოხილვა.....	18

დამოუკიდებელი აუდიტორის დასკვნა

სს „საკრედიტო საინფორმაციო ბიურო კრედიტინფო საქართველოს“ ხელმძღვანელობასა და დამფუძნებლებს

მოსაზრება

ჩვენ ჩავატარეთ სს „საკრედიტო საინფორმაციო ბიურო კრედიტინფო საქართველოს“ (შემდგომში კომპანია) ფინანსური ანგარიშგების აუდიტი, რომელიც შედგება 2019 წლის 31 დეკემბრის მდგომარეობით მომზადებული ფინანსური მდგომარეობის ანგარიშგებისგან, ასევე აღნიშნული თარიღით დამთავრებული წლის სრული შემოსავლის, კაპიტალში ცვლილებებისა და ფულადი ნაკადების მოძრაობის ანგარიშგებებისგან, ყველა მნიშვნელოვანი სააღრიცხვო პოლიტიკის მოკლე მიმოხილვისა და სხვა განმარტებითი ინფორმაციისგან.

ჩვენი აზრით, წარმოდგენილი ფინანსური ანგარიშგება, ყველა არსებითი ასპექტის გათვალისწინებით, სამართლიანად ასახავს კომპანიის ფინანსურ მდგომარეობას 2019 წლის 31 დეკემბრის მდგომარეობით, ასევე მისი საქმიანობის ფინანსურ შედეგებსა და ფულადი სახსრების მოძრაობას იმ საანგარიშგებო წლისთვის, რომელიც დასრულდა მოცემული თარიღით, მცირე და საშუალო საწარმოების ფინანსური ანგარიშგების საერთაშორისო სტანდარტების („ფასს მსს“) შესაბამისად.

მოსაზრების საფუძველი

ჩვენ აუდიტი ჩავატარეთ აუდიტის საერთაშორისო სტანდარტების (ასს) შესაბამისად. ხსენებული სტანდარტების საფუძველზე ჩვენი პასუხისმგებლობა აღწერილია ქვემოთ, ჩვენი დასკვნის ნაწილში „აუდიტორთა პასუხისმგებლობები“. „ბუღალტერთა ეთიკის სტანდარტების საერთაშორისო საბჭოს“ „პროფესიონალ ბუღალტერთა ეთიკის კოდექსის“ (IESBA კოდექსი) შესაბამისად, ჩვენ ვართ კომპანიისგან დამოუკიდებლები და ასევე ვართ შესაბამისობაში IESBA კოდექსის სხვა ეთიკურ პასუხისმგებლობებთან. ჩვენ მიგვაჩნია, რომ აუდიტის მსვლელობის პროცესში ჩვენ მიერ მოპოვებული მტკიცებულებები აუდიტორული დასკვნისათვის საკმარის და მართებულ საფუძვლის წარმოადგენს.

გვჯერა, რომ ჩვენ მიერ მოპოვებული აუდიტორული მტკიცებულებები საკმარისი და შესაფერისია ჩვენი მოსაზრების გამოთქმისთვის აუცილებელი საფუძვლის შესაქმნელად.

სხვა გარემოება

კომპანიის 2018 წლის 31 დეკემბერს დასრულებული წლის ფინანსური ანგარიშგების აუდიტი ჩაატარა სხვა აუდიტორმა, რომელმაც ამ ფინანსურ ანგარიშგებაზე 2019 წლის 14 თებერვალს გამოთქვა არამოდიფიცირებული მოსაზრება.

ხელმძღვანელობისა და მართ პირების პასუხისმგებლობა ფინანსურ ანგარიშგებაზე

ხელმძღვანელობა პასუხისმგებელია ფინანსური ანგარიშგების მომზადებასა და სამართლიან წარდგენაზე ფინანსური ანგარიშგების საერთაშორისო სტანდარტები მცირე და საშუალო საწარმოებისთვის შესაბამისად, ასევე, შიდა კონტროლზე, რომელსაც იგი აუცილებლად მიიჩნევს ისეთი ფინანსური ანგარიშგების მოსამზადებლად, რომელიც არ შეიცავს თაღლითობით ან შეცდომით გამოწვეულ არსებით უზუსტობას.

ფინანსური ანგარიშგების მომზადებისას, ხელმძღვანელობა პასუხისმგებელია შეაფასოს კომპანიის შესაძლებლობა განაგრძოს ფუნქციონირება საწარმოს უწყვეტი ფუნქციონირების პრინციპით, სადაც აუცილებელია გახსნას ინფორმაცია საქმიანობის უწყვეტობასთან დაკავშირებულ საკითხებზე და გამოიყენოს მსგავსი პრინციპი მანამ, სანამ ხელმძღვანელობას არ გაუჩნდება სურვილი მოახდინოს კომპანიის ლიკვიდაცია ან შეწყვიტოს მუშაობა, ან არ ექნება რაიმე სხვა რეალური ალტერნატივა, გარდა ზემოთ განსაზღვრული მოქმედებისა.

მეთვალყურეობაზე პასუხისმგებელი პირები პასუხისმგებელნი არიან ზედამხედველობა გაუწიონ კომპანიის ფინანსური ანგარიშგების მომზადების პროცესს.

აუდიტორთა პასუხისმგებლობები

ჩვენი მიზანია, ჩავატაროთ აუდიტი იმგვარად, რომ მივიღოთ დასაბუთებული რწმუნება იმისა, შეიცავს თუ არა მოცემული ფინანსური ანგარიშგება არსებით უზუსტობებს, რომელიც შეიძლება გამოწვეული იყოს თაღლითობით ან შეცდომით. დასაბუთებული რწმუნება მაღალი დონის რწმუნებაა, თუმცა არ არის იმის გარანტი რომ აუდიტის საერთაშორისო სტანდარტებით

ჩატარებული აუდიტი ყოველთვის უზრუნველყოფს, რომ იგი აღმოაჩენს არსებით უზუსტობას მისი არსებობის შემთხვევაში.

უზუსტობა შეიძლება გამოწვეული იყოს თაღლითობით ან შეცდომით და ითვლება, რომ იგი მატერიალურია, თუ ინდივიდუალურად ან აგრეგირებულად, მოსალოდნელია, რომ გავლენას იქონიებს ფინანსური ანგარიშგების მომხმარებელთა მიერ მიღებულ ეკონომიკურ გადაწყვეტილებებზე.

როგორც აუდიტის საერთაშორისო სტანდარტების მიხედვით წარმართული აუდიტის ნაწილი, ჩვენ პროფესიულ შეფასებას და სკეპტიციზმს ვინარჩუნებთ მთელი აუდიტის მანძილზე:

ჩვენ ასევე:

- ვახდენთ ფინანსურ ანგარიშგებაში თაღლითობის ან შეცდომის შედეგად არსებითი უზუსტობების დაშვების რისკების იდენტიფიცირებას და მათ შეფასებას, ამ რისკების შესაბამისი აუდიტორული პროცედურების დაგეგმვას და განხორციელებას და ისეთი აუდიტორული მტკიცებულებების მოპოვებას, რომლებიც საკმარისი და შესაბამისია ჩვენი დასკვნის საფუძვლის შესაქმნელად. თაღლითობის შედეგად წარმოშობილი არსებითი უზუსტობების არ გამოვლენის რისკი უფრო მაღალია, ვიდრე შეცდომით გამოწვეული არსებითი უზუსტობის, რადგან თაღლითობა შესაძლოა მოიცავდეს უკანონო ფარულ გარიგებებს, გაყალბებებს, განზრახ უმოქმედობას, ფაქტების დამახინჯებას ან შიდა კონტროლის მექანიზმების უგულვებელყოფას;
- ვახდენთ აუდიტის შესაბამისი შიდა კონტროლის მექანიზმების გააზრებას ვითარების შესაბამისი აუდიტორული პროცედურების დასაგეგმად და არა კომპანიის შიდა კონტროლის მექანიზმების ეფექტურობის შესაზრების გამოსახად;
- ვაფასებთ გამოყენებული საბუღალტრო პოლიტიკების შესაბამისობას, ასევე ხელმძღვანელობის მხრიდან წარმოდგენილი სააღრიცხვო შეფასებებისა და განმარტებითი შენიშვნების მიზანშეწონილობას;
- გამოგვაქვს დასკვნა იმის შესახებ, თუ რამდენად მიზანშეწონილია ხელმძღვანელობის მიერ ფუნქციონირებადი საწარმოს დაშვების საფუძველზე აღრიცხვის გამოყენება და, მოპოვებულ აუდიტორულ მტკიცებულებებზე დაყრდნობით ვასკვნით, არსებობს თუ არა ისეთ მოვლენებთან ან პირობებთან დაკავშირებული არსებითი გაურკვევლობა, რაც შეიძლება სერიოზული ეჭვის საფუძველი გახდეს იმასთან დაკავშირებით, შეძლებს თუ არა კომპანია ფუნქციონირებად საწარმოდ დარჩენას. თუ დავასკვნით, რომ არსებითი განუსაზღვრელობა არსებობს, ვალდებულები ვართ, აუდიტორის დასკვნაში ყურადღება გავამახვილოთ ფინანსური ანგარიშგების შესაბამის განმარტებით შენიშვნებზე, ან, თუ განმარტებითი შენიშვნები არ არის საკმარისი, მოვახდინოთ ჩვენი მოსაზრების მოდიფიცირება. ჩვენი დასკვნები ეყრდნობა აუდიტორის დასკვნის თარიღამდე მოპოვებულ აუდიტორულ მტკიცებულებას. ამის მიუხედავად, სამომავლო მოვლენებმა ან პირობებმა შეიძლება გამოიწვიოს კომპანიის, როგორც ფუნქციონირებადი საწარმოს ფუნქციონირების შეწყვეტა.
- ვაფასებთ ფინანსური ანგარიშგების ზოგად წარდგენას, სტრუქტურასა და შინაარსს, სამართლიანად ასახავენ თუ არა ისინი მოვლენებსა და ტრანზაქციებს.

სხვა საკითხებთან ერთად ჩვენ კომუნიკაცია გვაქვს მეთვალყურეობაზე პასუხისმგებელ პირებთან აუდიტის მასშტაბზე, ვადებსა და აუდიტის შედეგად აღმოჩენილი მნიშვნელოვანი საკითხების შესახებ, მათ შორის შიდა კონტროლის ნაკლოვანებების შესახებ.

აუდიტორთა დასკვნაში წარმოდგენილ შედეგებზე პასუხისმგებელი გარიგების პარტნიორი:

დავით დარსაველიძე (რეესტრში რეგისტრაციის ნომერი **SARAS-A-735032**)

შპს „ბიდიოს“ სახელით

თბილისი, საქართველო

10 თებერვალი 2020 წელი

სს „საკრედიტო საინფორმაციო ბიურო კრედიტინფო საქართველო“

სრული შემოსავლის ანგარიშგება

2019 წლის 31 დეკემბერს დასრულებული წლისთვის

(ლარში)

	შენიშვნა	2019	2018
შემოსავალი	4	7,046,386	8,565,735
სხვა შემოსავალი		18,835	18,193
საოპერაციო შემოსავალი		7,065,221	8,583,928
ხელფასები და თანამშრომელთა სხვა სარგებელი	5	(1,674,196)	(1,222,726)
ცვეთისა და ამორტიზაციის ხარჯი	8,9	(481,287)	(393,899)
საოპერაციო კომპიუტერული ტექნიკისა და პროგრამების მომსახურება		(660,988)	(764,460)
სხვა ხარჯები	6	(791,062)	(669,895)
საოპერაციო მოგება		3,457,688	5,532,948
ფინანსური შემოსავალი	12	220,928	81,122
ფინანსური ხარჯი		-	(27,502)
კურსთაშორისი სხვაობიდან მიღებული მოგება, წმინდა		38,695	416,776
მოგება დაბეგვრამდე		3,717,311	6,003,344
მოგების გადასახადის ხარჯი	7	(176,471)	(83,625)
წლის მთლიანი სრული შემოსავალი		3,540,840	5,919,719

2019 წლის 31 დეკემბერს დასრულებული საანგარიშგებო წლისთვის მომზადებული ფინანსური ანგარიშგება ხელმძღვანელობის მხრიდან დამტკიცებულია 2020 წლის 10 თებერვალს შემდეგი პირების მიერ:

დირექტორი _____ ალექსანდრე გომიაშვილი

მთავარი ბუღალტერი _____ ირინა წიკლაური

სს „საკრედიტო საინფორმაციო ბიურო კრედიტინფო საქართველო“

ფინანსური მდგომარეობის ანგარიშგება

2019 წლის 31 დეკემბრის მდგომარეობით

(ლარში)

	შენიშვნა	31 დეკემბერი 2019	31 დეკემბერი 2018
აქტივები			
გრძელვადიანი აქტივები			
ძირითადი საშუალებები	8	404,560	201,397
არამატერიალური აქტივები	9	1,508,933	1,368,140
გრძელვადიანი აქტივებისთვის გადახდილი ავანსები	10	2,177,596	-
		4,091,089	1,569,537
მოკლევადიანი აქტივები			
სავაჭრო და სხვა მოთხოვნები	11	791,100	1,034,293
ფული და ფულის ეკვივალენტები	12	5,524,216	5,369,570
		6,315,316	6,403,863
სულ აქტივები		10,406,405	7,973,400
კაპიტალი			
სააქციო კაპიტალი	13	271,310	271,310
საემისიო კაპიტალი	13	39,994	39,994
გაუნაწილებელი მოგება		9,739,896	7,199,056
სულ კაპიტალი		10,051,200	7,510,360
ვალდებულებები			
მოკლევადიანი ვალდებულებები			
სავაჭრო და სხვა ვალდებულებები	14	355,205	463,040
სულ ვალდებულებები		355,205	463,040
სულ კაპიტალი და ვალდებულებები		10,406,405	7,973,400

9 - 22 გვერდებზე წარმოდგენილი შენიშვნები ფინანსური ანგარიშგების განუყოფელი ნაწილია.

სს „საკრედიტო საინფორმაციო ბიურო კრედიტინფო საქართველო“

საკუთარი კაპიტალის ცვლილებების ანგარიშგება

2019 წლის 31 დეკემბერს დასრულებული წლისთვის

(ლარში)

	საწესდებო კაპიტალი	საემისიო კაპიტალი	გაუნაწილებელი მოგება	სულ
ნაშთი 2017 წლის 31 დეკემბერს	271,310	39,994	1,279,337	1,590,641
წლის წმინდა მოგება და სხვა სრული შემოსავალი	-	-	5,919,719	5,919,719
ნაშთი 2018 წლის 31 დეკემბერს	271,310	39,994	7,199,056	7,510,360
წლის წმინდა მოგება და სხვა სრული შემოსავალი	-	-	3,540,840	3,540,840
გამოცხადებული დივიდენდები	-	-	(1,000,000)	(1,000,000)
ნაშთი 2019 წლის 31 დეკემბერს	271,310	39,994	9,739,896	10,051,200

სს „საკრედიტო საინფორმაციო ბიურო კრედიტინფო საქართველო“

ფულადი სახსრების მოძრაობის ანგარიშგება

2019 წლის 31 დეკემბერს დასრულებული წლისთვის

(ლარში)

	2019	2018
ფულადი სახსრები საოპერაციო საქმიანობიდან:		
მოგება დაბეგვრამდე	3,717,311	6,003,344
შესწორებები შემდეგი მუხლებისთვის:		
ცვეთა და ამორტიზაცია	481,287	393,916
დებიტორული დავალიანების გაუფასურების ხარჯი	26,990	14,943
ფინანსური შემოსავალი	(220,928)	(81,122)
ფინანსური ხარჯი	-	27,502
წმინდა მოგება საკურსო სხვაობიდან	(38,695)	(416,776)
	3,965,965	5,941,807
შემცირება/(გაზრდა) შემდეგ საოპერაციო აქტივებში:		
დებიტორული დავალიანება	216,412	255,277
(შემცირება)/გაზრდა შემდეგ საოპერაციო ვალდებულებებში:		
სხვა მიმდინარე ვალდებულებები	(52,024)	19,239
საოპერაციო საქმიანობიდან შემოსული ფულადი სახსრები	4,130,353	6,216,323
გადახდილი მოგების გადასახადი	(176,471)	(83,625)
გადახდილი პროცენტი	-	(29,445)
საოპერაციო საქმიანობიდან შემოსული წმინდა ფულადი სახსრები	3,953,882	6,103,253
ფულადი სახსრები საინვესტიციო საქმიანობიდან:		
ძირითადი საშუალებების შესყიდვა	(276,742)	(80,639)
ძირითადი საშუალებების გაყიდვა	-	8,321
არამატერიალური აქტივების შესყიდვა	(548,502)	(317,498)
არამატერიალური აქტივებისთვის გადახდილი ავანსები	(2,177,596)	-
საპროცენტო შემოსავალი	220,928	81,122
საინვესტიციო საქმიანობაში გამოყენებული წმინდა ფულადი სახსრები	(2,781,912)	(308,694)
ფულადი სახსრები ფინანსური საქმიანობიდან		
გადახდილი სესხები	-	(1,608,031)
გადახდილი დივიდენდები	(1,000,000)	-
ფინანსური საქმიანობაში გამოყენებული წმინდა ფულადი სახსრები	(1,000,000)	(1,608,031)
წმინდა ფულადი სახსრების ზრდა	171,970	4,186,528
ფულადი სახსრები წლის დასაწყისისთვის	5,369,570	893,949
უცხოური ვალუტის ცვლილების ეფექტი ფულად სახსრებზე	(17,324)	289,093
ფულადი სახსრები წლის ბოლოს	5,524,216	5,369,570

სს „საკრედიტო საინფორმაციო ბიურო კრედიტინფო საქართველო“

ფინანსური ანგარიშგების განმარტებითი შენიშვნები

2019 წლის 31 დეკემბერს დასრულებული წლისთვის

(ლარში)

1. ზოგადი ინფორმაცია

სს საკრედიტო საინფორმაციო ბიურო კრედიტინფო საქართველო (შემდგომში „კომპანია“) რეგისტრირებულია (ID: 204470740) საქართველოში მოქმედი კანონმდებლობის შესაბამისად (დაარსების თარიღი: 2005 წლის 14 თებერვალი). კომპანიის მისამართია თარხნიშვილის ქუჩა #2, 0179, თბილისი, საქართველო. კომპანია ფლობს საკრედიტო მონაცემთა ბაზას და გადაწყვეტილების მისაღებად საჭირო ინფორმაციას აწვდის ბანკებს, მიკროსაფინანსო ორგანიზაციებს, სალიზინგო კომპანიებსა და სხვა ორგანიზაციებს, რომლებიც გასცემენ სესხებს ან აწვდიან საქონელს და მომსახურებას შემდგომი გადახდის პირობით.

კომპანიაში 2019 წლის 31 დეკემბერს დასაქმებული იყო 29 თანამშრომელი (2018: 26 თანამშრომელი).

2019 და 2018 წლების 31 დეკემბერს შემდეგი აქციონერები ფლობდნენ კომპანიის აქციებს:

	მფლობელობა, %	
	31 დეკემბერი 2019	31 დეკემბერი 2018
Credit info International GmbH (Creditinfo Group hf-ის შვილობილი)	36.76	36.76
სს „თიბისი ბანკი“	21.08	21.08
სს „პროკრედიტ ბანკი“	21.08	21.08
სს „საქართველოს ბანკი“	21.08	21.08
	100	100

2. მომზადების საფუძვლები

ანგარიშგების შესაბამისობა

წინამდებარე ფინანსური ანგარიშგება მომზადებულია მცირე და საშუალო საწარმოების ფინანსური ანგარიშგების საერთაშორისო სტანდარტების (შემდგომში მსს ფასს) შესაბამისად.

ფინანსური ანგარიშგების მსს ფასს-ების შესაბამისად მომზადება ითხოვს გარკვეული შეფასებებისა და დაშვებების გაკეთებას. ის, ასევე, მოითხოვს კომპანიის ხელმძღვანელობისგან, რომ მსჯელობის საფუძველზე მოახდინოს ყველაზე შესაფერისი სააღრიცხვო პოლიტიკის მიღება და დანერგვა. მნიშვნელოვანი სააღრიცხვო შეფასებები და გადაწყვეტილებები მოცემულია ფინანსური ანგარიშგების მე-3 შენიშვნაში.

შეფასების საფუძვლები

ფინანსური ანგარიშგება მომზადებულია ისტორიული ღირებულების საფუძველზე.

რიცხვები ფინანსურ ანგარიშგებაში მოცემულია ლარამდე დამრგვალებით, თუ სხვაგვარად არის არის აღნიშნული. მოცემული ფინანსური ანგარიშგების შეფასების ვალუტად კომპანია იყენებს იმ ქვეყნის ვალუტას, სადაც ფუნქციონირებს (ფუნქციონალური ვალუტა) - ქართულ ლარს. საანგარიშგებო პერიოდი მოიცავს კალენდარულ წელს 1 იანვრიდან 31 დეკემბრამდე.

ფუნქციონირებადი საწარმო

ფინანსური ანგარიშგება მომზადებულია ფუნქციონირებადი საწარმოს პრინციპის დაშვებით - ანუ დაშვებით, რომ კომპანია განაგრძობს ფუნქციონირებას პროგნოზირებად მომავალში. კომპანიის ხელმძღვანელობასა და მფლობელს სურვილი აქვთ, განაგრძონ კომპანიის საქმიანობა საქართველოში. ხელმძღვანელობას სჯერა, რომ ფუნქციონირებადი საწარმოს დაშვება შესაბამისია კომპანიისათვის.

3. მნიშვნელოვანი სააღრიცხვო შეფასებები და გადაწყვეტილებები

კომპანია ახდენს გარკვეული სააღრიცხვო შეფასებებისა და გადაწყვეტილებების შემუშავებას მომავალი პერიოდებისთვის. შეფასებები და გადაწყვეტილებები შემუშავებულია გამოცდილებასა და სხვა ფაქტორებზე დაყრდნობით, რომელიც ითვალისწინებს კომპანიის ფუნქციონირებას განსაზღვრული მომავლის პირობებში. მომავალ პერიოდებში მიღებული გამოცდილება შესაძლოა განსხვავებული იყოს ამ შეფასებებისა და დაშვებებისაგან. ქვემოთ მოყვანილია ის შეფასებები და დაშვებები, რომლებიც მომდევნო ფინანსურ წელში აქტივებისა და ვალდებულებების საბალანსო ღირებულებებში არსებითი ცვლილებების რისკის მატარებელია.

კომპანია ახდენს შეფასებებისა და დაშვებების გადახედვას საწარმოს უწყვეტობის საფუძველზე. სააღრიცხვო შეფასების გადასინჯვის შედეგები აღიარდება იმ პერიოდში, როდესაც შეფასება იქნა გადახედული, თუ აღნიშნული ეხება მხოლოდ ამ პერიოდს; ან გადასინჯვისა და მომავალ პერიოდებში, თუ გადახედვა ეხება ორივე, მიმდინარე და მომავალ პერიოდებს.

ძირითადი საშუალებებისა და არამატერიალური აქტივების სასარგებლო მომსახურების ვადები. აქტივებზე ცვეთის დარიცხვა ხდება მათი სასარგებლო მომსახურების ვადების განმავლობაში. სასარგებლო მომსახურების ვადების განსაზღვრა ხდება ხელმძღვანელობის შეფასებებზე დაყრდნობით, თუ რა პერიოდის განმავლობაში აპირებს კომპანია აქტივიდან სარგებლის მიღებას. სააღრიცხვო შეფასებების ცვლილებებმა შეიძლება მნიშვნელოვანი ვარიაციები გამოიწვიოს საბალანსო ღირებულებებსა და პერიოდის სრული შემოსავლის მუხლებში.

4. ამონაგები

ამონაგები შეიძლება წარმოდგენილი იყოს შემდეგნაირად:

	2019	2018
შემოსავალი საკრედიტო რეპორტებიდან	4,672,492	6,218,151
შემოსავალი დამატებითი პაკეტური ძიებებიდან	610,057	743,772
კრედიტინფო პრედიქტორი	563,665	611,423
მონაცემთა ბაზაში გაწვევრიანების საკომისიო	241,000	92,462
ჩემი კრედიტინფო	186,496	131,774
მონიტორინგი	126,555	164,885
სხვა მომსახურებები *	646,121	603,268
	7,046,386	8,565,735

* სხვა მომსახურებები მოიცავს შემოსავლებს მოვალეთა რეესტრის გავრცობილი რეპორტებიდან 160,743 ლარის ოდენობით(2018:158,362 ლარი), ადმინისტრაციული ჯარიმების რეპორტიდან 132,688 ლარის ოდენობით(2018:130,360 ლარი), ბენჩმარკინგიდან 104,580 ლარის ოდენობით(2018:50,938 ლარი) და სხვა შემოსავლებს.

5. ხელფასები და სხვა სარგებელი

ხელფასები და სხვა სარგებელი შეიძლება წარმოდგენილი იყოს შემდეგნაირად:

	2019	2018
შრომის ანაზღაურება	(1,205,978)	(941,574)
ბონუსი	(396,996)	(223,971)
დაზღვევა	(71,222)	(57,181)
	(1,674,196)	(1,222,726)

6. სხვა ხარჯები

სხვა ხარჯები შეიძლება წარმოდგენილი იყოს შემდეგნაირად:

	2019	2018
იჯარა და სხვა საოფისე ხარჯები	(222,114)	(201,365)
საკონსულტაციო მომსახურება	(126,017)	(89,539)
როიალტი	(92,103)	(92,793)
რეკლამის ხარჯები	(57,119)	(45,805)
კომუნალური ხარჯები	(52,683)	(48,322)
მოვალეთა რეესტრის გამოყენება	(50,847)	(50,847)
მივლინების ხარჯი	(34,412)	(1,802)
უიმედო ვალების ხარჯი	(26,990)	(14,943)
საწვავის ხარჯი	(22,171)	(18,665)
ლიცენზიების ხარჯი	(18,455)	(12,339)
სხვა ხარჯები	(88,151)	(93,475)
	(791,062)	(669,895)

7. მოგების გადასახადის ხარჯი

მოგების გადასახადის ხარჯი აღიარდება იმ საანგარიშგებო პერიოდში, როდესაც კომპანია გამოაცხადებს დივიდენდს. 2019 წლის 31 დეკემბრით დასრულებული საანგარიშგებო პერიოდისთვის კომპანიამ მეწილეებზე გაანაწილა დივიდენდი 1,000,000 ლარის ოდენობით. აღნიშნულ განაცემზე კომპანიამ საქართველოს საგადასახადო კანონმდებლობის თანახმად 2019 წელს დაარიცხა მოგების გადასახადი 176,471 ლარის ოდენობით.

2018 წლის 31 დეკემბრით დასრულებული საანგარიშგებო პერიოდისთვის კომპანიას არ გამოუცხადებია დივიდენდები. თუმცა, 2018 წელს მენეჯმენტმა შეცვალა სააღრიცხვო შეფასებები და შედეგად, ამავე პერიოდში აღიარა გასული წლის მოგების გადასახადის ხარჯი 83,625 ლარის ოდენობით.

სს „საკრედიტო საინფორმაციო ბიურო კრედიტინფო საქართველო“

ფინანსური ანგარიშგების განმარტებითი შენიშვნები

2019 წლის 31 დეკემბერს დასრულებული წლისთვის

(ლარში)

8. ძირითადი საშუალებები

ძირითადი საშუალებები შეიძლება წარმოდგენილი იყოს შემდეგნაირად:

ისტორიული ღირებულება	სერვერი	ოფისის აღჭურვილობა და სხვა ინვენტარი	სატრანსპორტო საშუალებები	სულ
2017 წლის 31 დეკემბერი	-	133,886	122,311	256,197
შემოსვლა	-	34,044	46,595	80,639
გასვლა	-	-	(28,981)	(28,981)
2018 წლის 31 დეკემბერი	-	167,930	139,925	307,855
შემოსვლა	255,148	21,594	-	276,742
გასვლა	-	-	-	-
2019 წლის 31 დეკემბერი	255,148	189,524	139,925	584,597
დაგროვილი ცვეთა				
2017 წლის 31 დეკემბერი	-	(57,450)	(29,545)	(86,995)
წლის განმავლობაში დარიცხული ცვეთა	-	(27,895)	(12,213)	(40,108)
გასული ძირითადი საშუალებების ცვეთა	-	-	20,645	20,645
2018 წლის 31 დეკემბერი	-	(85,345)	(21,113)	(106,458)
წლის განმავლობაში დარიცხული ცვეთა	(28,628)	(30,973)	(13,978)	(73,579)
გასული ძირითადი საშუალებების ცვეთა	-	-	-	-
2019 წლის 31 დეკემბერი	(28,628)	(116,318)	(35,091)	(180,037)
წმინდა საბალანსო ღირებულება				
2018 წლის 31 დეკემბერი	-	82,585	118,812	201,397
2019 წლის 31 დეკემბერი	226,520	73,206	104,834	404,560

9. არამატერიალური აქტივები

არამატერიალური აქტივები შეიძლება წარმოდგენილი იყოს შემდეგნაირად:

ისტორიული ღირებულება	საოპერაციო კომპიუტერული პროგრამები	სერვერზე სივრცის გამოყენების უფლება	სულ
2017 წლის 31 დეკემბერი	1,920,262	679,197	2,599,459
შემოსვლა	199,197	118,301	317,498
გასვლა	-	-	-
2018 წლის 31 დეკემბერი	2,119,459	797,498	2,916,957
შემოსვლა	548,502	-	548,502
გასვლა	-	-	-
2019 წლის 31 დეკემბერი	2,667,961	797,498	3,465,459
დაგროვილი ცვეთა			
2017 წლის 31 დეკემბერი	(1,144,567)	(51,702)	(1,196,269)
წლის განმავლობაში	(214,204)	(138,344)	(352,548)
დარიცხული ცვეთა	-	-	-
გასული ძირითადი საშუალების ცვეთა	-	-	-
2018 წლის 31 დეკემბერი	(1,358,771)	(190,046)	(1,548,817)
წლის განმავლობაში	(254,198)	(153,511)	(407,709)
დარიცხული ცვეთა	-	-	-
გასული ძირითადი საშუალების ცვეთა	-	-	-
2019 წლის 31 დეკემბერი	(1,612,969)	(343,557)	(1,956,526)
წმინდა საბალანსო ღირებულება			
2018 წლის 31 დეკემბერი	760,688	607,452	1,368,140
2019 წლის 31 დეკემბერი	1,054,992	453,941	1,508,933

სერვერზე სივრცის გამოყენების უფლება შეძენილია 2017 წელს, კომპანიის ძირითადი აქციონერის შვილობილისგან - Creditinfo Solutions s.r.o-სგან, 679,197 ლარად. სერვერები განლაგებულია პრაღაში, კომპანიის ძირითადი აქციონერის შვილობილის Creditinfo Solutions, s.r.o-ს ტერიტორიაზე.

სერვერზე სივრცის გამოყენების უფლება ხანგრძლივობა შეადგენს 5 წელს.

10. გრძელვადიანი აქტივებისთვის გადახდილი ავანსები

არამატერიალური აქტივებისთვის გადახდილი ავანსი 2,177,596 ლარის ოდენობით წარმოადგენს 2019 წლის 31 დეკემბრის მდგომარეობით Creditinfo solutions s.r.o-სთვის გადახდილ თანხებს. ამ ნაშთიდან 2,143,520 ლარი გადახდილია 2019 წელს გაფორმებული ლიცენზიისა და მხარდაჭერის შესახებ შეთანხმების ფარგლებში. ხელშეკრულებაში გაწერილია მომწოდებლის მიერ კრედიტინფოს საოპერაციო პროგრამის, დანერგვის, პოსტინგის და დამატებითი მხარდაჭერის მომსახურებების გაწევის პირობები. პროექტი სრულდება რამდენიმე ეტაპად და ხელშეკრულება ძალაშია 2030 წლის 31 დეკემბრამდე. 2019 წლის 31 დეკემბრის მდგომარეობით გადარიცხული ავანსი წარმოადგენს საოპერაციო პროგრამის დანერგვის მომსახურების პირველად გადასახადს. დარჩენილი 34,076 ლარი კი გადახდილია რამდენიმე დამატებითი პროგრამის შესაძენად.

11. სავაჭრო და სხვა მოთხოვნები

სავაჭრო და სხვა მოთხოვნები შეიძლება წარმოდგენილი იყოს შემდეგნაირად:

	31 დეკემბერი 2019	31 დეკემბერი 2018
ფინანსური მოთხოვნები		
სავაჭრო მოთხოვნები ბანკებისგან	399,554	454,933
სავაჭრო მოთხოვნები მიკროსაფინანსო ორგანიზაციებიდან	207,240	304,055
სავაჭრო მოთხოვნები სალიზინგო კომპანიებიდან	30,086	54,087
სავაჭრო მოთხოვნები სხვა კლიენტებისგან	48,545	61,920
სულ ფინანსური მოთხოვნები	685,425	874,995
არაფინანსური მოთხოვნები		
გადახდილი ავანსები	105,675	159,298
სულ სავაჭრო და სხვა მოთხოვნები	791,100	1,034,293

12. ფული და ფულის ეკვივალენტები

ფულისა და ფულის ეკვივალენტები შეიძლება წარმოდგენილი იყოს შემდეგნაირად:

	31 დეკემბერი 2019	31 დეკემბერი 2018
ფული მიმდინარე საბანკო ანგარიშებზე	2,135,553	5,359,693
ფული სადეპოზიტო ანგარიშებზე	3,388,613	9,861
ნაღდი ფული	50	16
	5,524,216	5,369,570

სადეპოზიტო ანგარიშებზე არსებული ფული წარმოადგენს მოთხოვნამდე ანაბრებს 2.5-5% საპროცენტო განაკვეთით 2019 და 2018 წლებისთვის. ამასთან ერთად, კომპანია საპროცენტო შემოსავალს იღებს მიმდინარე საბანკო ანგარიშებზე განთავსებული თანხებიდან: უცხოურ ვალუტაში არსებული თანხებიდან საშუალოდ წლიური 0.5%-ის ოდენობით, ხოლო ეროვნულ ვალუტაში განთავსებული სახსრებიდან წლიური 4.5%-ის ოდენობით.

საანგარიშგებო პერიოდის განმავლობაში საპროცენტო შემოსავალი დეპოზიტებიდან და მიმდინარე ანგარიშებიდან შეადგენს 220,928 ლარს (2018: 81,122 ლარი).

13. სააქციო კაპიტალი და საემისიო კაპიტალი

ავტორიზებული და გამოშვებული ჩვეულებრივი აქციების რაოდენობა 2019 და 2018 წლის 31 დეკემბრისთვის იყო 27,131 ცალი თითოეული 10 ლარის ნომინალური ღირებულებით. 2019 და 2018 წლის განმავლობაში არ ყოფილა სააქციო და საემისიო კაპიტალის ცვლილება და მათმა ღირებულებამ შეადგინა 271,310 ლარი და 39,994 ლარი, შესაბამისად.

2019 წელს კომპანიამ გადაიხადა 1,000,000 ლარი ოდენობის დივიდენდი აქციონერთა წილის შესაბამისად. 2018 წელს კომპანიას დივიდენდი არ გაუცია.

სს „საკრედიტო საინფორმაციო ბიურო კრედიტინფო საქართველო“

ფინანსური ანგარიშგების განმარტებითი შენიშვნები

2019 წლის 31 დეკემბერს დასრულებული წლისთვის

(ლარში)

14. სავაჭრო და სხვა ვალდებულებები

სავაჭრო და სხვა ვალდებულებები შეიძლება წარმოდგენილი იყოს შემდეგნაირად:

	31 დეკემბერი 2019	31 დეკემბერი 2018
ფინანსური ვალდებულებები		
სავაჭრო ვალდებულებები	83,473	374,031
საგადასახადო ვალდებულება	34,171	61,694
ვალდებულებები თანამშრომლების მიმართ	129,867	4,694
ბონუსის ანარიცხი*	102,436	-
სულ ფინანსური ვალდებულებები	309,016	440,419
არაფინანსური ვალდებულებები		
მიღებული ავანსები	5,259	22,621
სულ სავაჭრო და სხვა ვალდებულებები	314,275	463,040

* კომპანიის პოლიტიკის მიხედვით, ბონუსის ანარიცხი აღიარდება, თუ შესრულდება გარკვეული საქმიანობის საკვანძო მაჩვენებლები (KPI-ები). ბონუსის ანარიცხი დირექტორის მიმართ არის კომპანიის ვალდებულება და იგი გაიცემა მას შემდეგ, რაც სამეთვალყურეო საბჭო დაამტკიცებს 2019 წლის ფინანსურ ანგარიშგებებს.

15. წინა წლის რეკლასიფიკაციები

კომპანიის ხელმძღვანელობამ გააკეთა წინა წლის რამდენიმე მუხლის რეკლასიფიკაცია წარდგენის მიზნებისათვის.

წინა წლის რეკლასიფიკაციები 2018 წლის 31 დეკემბრის დასრულებული წლისთვის წარმოდგენილია შემდეგნაირად:

ფინანსური ანგარიშგების არე	აუდიტირებული ნაშთი 2018 წლის 31 დეკემბრის რეკლასიფიკაციამდე	რეკლასიფიკაცია	აუდიტირებული ნაშთი 2018 წლის 31 დეკემბრის რეკლასიფიკაციის შემდეგ
ზოგადი და ადმინისტრაციული ხარჯები	(2,961,983)	2,961,983	-
სხვა საოპერაციო ხარჯები	(88,997)	88,997	-
ხელფასები და სხვა სარგებელი	-	(1,222,726)	(1,222,726)
ცვეთისა და ამორტიზაციის ხარჯი	-	(393,899)	(393,899)
საოპერაციო კომპიუტერული ტექნიკისა და პროგრამების მომსახურება	-	(764,460)	(764,460)
სხვა ხარჯები	-	(669,895)	(669,895)

სს „საკრედიტო საინფორმაციო ბიურო კრედიტინფო საქართველო“

ფინანსური ანგარიშგების განმარტებითი შენიშვნები

2019 წლის 31 დეკემბერს დასრულებული წლისთვის

(ლარში)

16. ოპერაციები დაკავშირებულ მხარეებთან

დაკავშირებული მხარეები მოიცავს მფლობელებს, საერთო კონტროლს დაქვემდებარებულ საწარმოებს და უმაღლეს ხელმძღვანელობაში შემავალ პირებს. როდესაც ხდება დაკავშირებულ მხარესთან ურთიერთობის ანალიზი, გაითვალისწინება არა მხოლოდ ურთიერთობის იურიდიული ფორმა, არამედ მისი არსი. კომპანიასა და მის დაკავშირებულ მხარეებს შორის ოპერაციების შესახებ დეტალური ინფორმაცია მოცემულია ქვემოთ:

ბალანსის მუხლი		31 დეკემბერი 2019		31 დეკემბერი 2018	
	დაკავშირებული მხარე	ნაშთი დაკავშირებულ მხარესთან	სულ ფინანსური ანგარიშგების მუხლისთვის	ნაშთი დაკავშირებულ მხარესთან	სულ ფინანსური ანგარიშგების მუხლისთვის
არამატერიალური აქტივებისთვის გადახდილი ავანსები		2,177,596	2,177,596	-	-
Creditinfo CEE s.r.o.	სხვა დაკავშირებული მხარე	2,177,596		-	
სავაჭრო და სხვა მოთხოვნები		238,049	791,100	278,746	1,034,293
სს საქართველოს ბანკი	დამფუძნებელი	87,551		96,692	
სს თიბისი ბანკი	დამფუძნებელი	79,751		101,460	
Creditinfo CEE s.r.o.	სხვა დაკავშირებული მხარე	62,349		72,073	
სს პროკრედიტ ბანკი	დამფუძნებელი	8,398		8,521	
ფული და ფულის ეკვივალენტები		5,083,337	5,524,216	505,052	5,369,570
სს თიბისი ბანკი	დამფუძნებელი	5,080,112		399,319	
სს საქართველოს ბანკი	დამფუძნებელი	3,225		105,733	
სავაჭრო და სხვა ვალდებულებები		45,550	355,205	268,496	463,040
Creditinfo CEE s.r.o.	სხვა დაკავშირებული მხარე	45,550		268,496	

		2019		2018	
	დაკავშირებული მხარე	ოპერაცია დაკავშირებულ მხარესთან	სულ ფინანსური ანგარიშგების მუხლისთვის	ოპერაცია დაკავშირებულ მხარესთან	სულ ფინანსური ანგარიშგების მუხლისთვის
შემოსავლები		1,692,870	7,046,386	1,585,341	8,565,735
სს საქართველოს ბანკი	დამფუძნებელი	900,400		841,071	
სს თიბისი ბანკი	დამფუძნებელი	700,512		669,757	
სს პროკრედიტ ბანკი	დამფუძნებელი	78,558		74,513	
Creditinfo International GmbH	დამფუძნებელი	13,400		-	
სხვა ხარჯები და საოპერაციო კომპიუტერული ტექნიკისა და პროგრამების მომსახურება		(754,248)	(1,452,050)	(857,253)	(1,434,355)
Creditinfo CEE s.r.o.	სხვა დაკავშირებული მხარე	(655,638)		(764,460)	
Creditinfo International GmbH	დამფუძნებელი	(98,610)		(92,793)	
საპროგრესო შემოსავალი დეპოზიტებიდან		209,475	220,928	39,272	81,122
სს თიბისი ბანკი	დამფუძნებელი	209,475		39,272	

უმაღლესი ხელმძღვანელობის გასამრჯელო შეიძლება წარმოდგენილი იყოს შემდეგნაირად:

	2019	2018
უმაღლესი ხელმძღვანელობის გასამრჯელო	361,071	347,072

17. პირობითი ვალდებულებები

შეუქცევადი საოპერაციო იჯარა - 2019 და 2018 31 დეკემბრისთვის კომპანიას აქვს იჯარით აღებული ოფისი საოპერაციო საქმიანობისთვის შემდეგ მისამართზე: თარხნიშვილის 2, თბილისი, საქართველო. იჯარა არის საოპერაციო და მისი ვადაა ხუთი წელი. იჯარა მთავრდება 2020 წლის 31 დეკემბერს. კომპანიას წლის ბოლოს ჰქონდა შემდეგი ვალდებულებები შეუქცევადი საოპერაციო იჯარებისთვის:

	31 დეკემბერი 2019	31 დეკემბერი 2018
ერთი წლის განმავლობაში	163,097	111,860
ორი-ხუთი წლის განმავლობაში	95,140	-
	258,237	111,860

გადასახადები - საქართველოს საგადასახადო კანონმდებლობა არის სხვადასხვაგვარად ინტერპრეტაციისა და ცვლილების საგანი. ხელმძღვანელობის მხრიდან საგადასახადო კანონმდებლობის ინტერპრეტაციები შეიძლება განსხვავდებოდეს საგადასახადო ორგანოების მიერ ინტერპრეტაციებისაგან და კომპანიის ოპერაციები შეიძლება გასაჩივრდეს საგადასახადო ორგანოების მიერ. საქართველოს საგადასახადო კანონმდებლობის მიხედვით სასაგადასახადო ორგანოებს შეუძლიათ მიმოიხილონ კომპანიის ოპერაციები 3 წლის მანძილზე.

სასამართლო დავა - კომპანიის ჩვეული საქმიანობის პროცესში დროდადრო მის მიმართ შესაძლოა წარმოიშვას გარკვეული საჩივარი ან სასამართლო დავა. თუმცა, 2019 და 2018 წლის 31 დეკემბრის მდგომარეობით ორგანიზაციის მიმართ არ ყოფილა არანაირი მატერიალური სასამართლო დავა.

18. საანგარიშგებო პერიოდის შემდგომი მოვლენები

საანგარიშგებო პერიოდის შემდგომ არ ყოფილა ისეთი მოვლენა, რომელიც საჭიროებს ფინანსურ ანგარიშგებაში გაშიფვრას.

19. ძირითადი სააღრიცხვო პოლიტიკის მიმოხილვა

ფინანსური ანგარიშგების მომზადებისას გამოყენებული მნიშვნელოვანი სააღრიცხვო პოლიტიკა მოცემულია ქვემოთ. აღნიშნული პოლიტიკები გამოიყენება ყველა წარდგენილი პერიოდისთვის, თუ სხვაგვარად არ არის ნათქვამი.

ოპერაციები უცხოურ ვალუტაში

კომპანიის სამუშაო ვალუტას წარმოადგენს ქართული ლარი („ლარი“). უცხოურ ვალუტაში გახორციელებული ტრანზაქციები თავდაპირველად აღიარდება სამუშაო ვალუტაში ტრანზაქციის გახორციელების თარიღში არსებული საქართველოს ეროვნული ბანკის ოფიციალური გაცვლითი კურსის შესაბამისად. საანგარიშგებო თარიღში უცხოურ ვალუტაში დაფიქსირებული მონეტარული აქტივებისა და ვალდებულებების გადაფასება ხორციელდება ამ თარიღისათვის არსებული ოფიციალური გაცვლითი კურსის შესაბამისად. გადაფასებით წარმოქმნილი საკურსო სხვაობები აღიარდება მოგება-ზარალის ანგარიშგებაში.

2019 და 2018 წლის 31 დეკემბრის მდგომარეობით, ეროვნული ბანკის მიერ დადგენილი უცხოურ ვალუტაში არსებული ნაშთების კონვერტაციისთვის გამოყენებული გაცვლითი კურსი იყო შემდეგი:

	საქართველოს ეროვნული ბანკის მიერ გამოცხადებული ოფიციალური გაცვლითი კურსი	
	აშშ დოლარი	ევრო
კურსი 2019 წლის 31 დეკემბრისთვის	2.8677	3.2095
კურსი 2018 წლის 31 დეკემბრისთვის	2.6766	3.0701

19. ძირითადი სააღრიცხვო პოლიტიკის მიმოხილვა (გაგრძელება)

ფინანსური ინსტრუმენტები

სავაჭრო და სხვა მოთხოვნები თავდაპირველად აღიარდება გარიგების ფასით. მოთხოვნებს არ ერიცხება სარგებელი. ყოველი საანგარიშგებო პერიოდის ბოლოს, კომპანია აფასებს სავაჭრო და სხვა მოთხოვნების საბალანსო ღირებულებებს, რათა განსაზღვროს, ხომ არ არსებობს აქტივის გაუფასურების რაიმე ობიექტური მტკიცებულება. გაუფასურების შემთხვევაში გაუფასურების ზარალი აღიარდება ხარჯად მოგება-ზარალის ანგარიშგებაში.

ფინანსური ვალდებულებები თავდაპირველად აღიარდება გარიგების ფასით (მოიცავს გარიგების ხარჯებს). სავაჭრო ვალდებულებებს არ ერიცხება სარგებელი. პროცენტის ვალდებულებები აღირიცხება ამორტიზირებული ღირებულებით, ეფექტური საპროცენტო განაკვეთის მეთოდის გამოყენებით.

ფინანსური აქტივებისა და ვალდებულებების დანეტება

კომპანია ფინანსურ აქტივებსა და ვალდებულებებს ანეტებს მაშინ, როდესაც ურთიერთობა იურიდიულად არ არის შეზღუდული და კომპანია გეგმავს ანგარიშსწორებას ნეტო საფუძველზე ან ფინანსური აქტივის მიღებას და ვალდებულების დაფარვას გეგმავს ერთგვაროვნად.

ფული და ფულის ეკვივალენტები

ფული და ფულის ეკვივალენტები მოიცავს ნაღდ ფულს, ფულად სახსრებს საბანკო ანგარიშებზე, ფულს გზაში და მოთხოვნამდე დეპოზიტებს, ასევე 3 თვემდე ვადიან დეპოზიტებს.

ფინანსური აქტივებისა და ვალდებულების აღიარების შეწყვეტა

კომპანია ფინანსური ვალდებულებების აღიარებას წყვეტს მაშინ, როდესაც ვალდებულება სრულდება, უქმდება, ან გასდის ვადა. სადაც არსებული ფინანსური ვალდებულება ენაცვლება მეორეს იმავე მსესხებლის მიმართ მნიშვნელოვნად განსხვავებული პირობებით, ან არსებული ვალდებულების პირობები მნიშვნელოვნად იცვლება, ამგვარი ცვლილება ან მოდიფიკაცია ითვლება თავდაპირველი ვალდებულების აღიარების შეწყვეტად და ახალი ვალდებულების აღიარებად და სხვაობა საბალანსო ღირებულებასა და გადახდილ, ან გადასახდელ ანაზღაურებას შორის აისახება სრული შემოსავლის ანგარიშგებაში.

კომპანია წყვეტს ფინანსური აქტივის აღიარებას, როდესაც კონტრაქტიდან წარმომდგარი ფულადი ნაკადების მიღების უფლება იწურება, ან ეს უფლება კონტრაქტის საფუძველზე გადაეცემა სხვა მხარეს მფლობელობის უფლებასთან დაკავშირებულ ყველა რისკსა და სარგებელთან ერთად. ნებისმიერი წილი გადაცემულ ფინანსურ აქტივში, რომელიც უნარჩუნდება კომპანიას, მის მიერ აღიარდება, როგორც ცალკეული აქტივი ან ვალდებულება.

ძირითადი საშუალებები

თავდაპირველი აღიარების შემდეგ, ძირითადი საშუალება ფასდება თვითღირებულებით, რომელიც შემცირებულია ნებისმიერი აკუმულირებული ცვეთისა და გაუფასურების ზარალის თანხით.

ძირითად საშუალებებზე ცვეთის დარიცხვა იწყება მაშინ, როდესაც შესაძლებელია მისი გამოყენება, ანუ, როდესაც ის არის იმ ადგილას ან ისეთ სამუშაო მდგომარეობაში მოყვანილი, რაც აუცილებელია მის გამოსაყენებლად. სასარგებლო მომსახურების ვადები მიმოხილვება ყოველი წლის ბოლოს. ქვემოთ მოცემულია ძირითადი საშუალებების და არამატერიალური აქტივების სასარგებლო მომსახურების ვადები წრფივი მეთოდით კატეგორიების მიხედვით:

	სასარგებლო მომსახურების ვადა (წელი)
სერვერი	5
სატრანსპორტო საშუალებები	10
საოფისე ტექნიკა	5-10

მიმდინარე ხარჯები გაწევისთანავე აღიარდება სრული შემოსავლის ინდივიდუალურ ანგარიშგებაში თუ ისინი არ აკმაყოფილებს კაპიტალიზაციის მოთხოვნებს.

19. ძირითადი სააღრიცხვო პოლიტიკის მიმოხილვა (გაგრძელება)

ყოველი საანგარიშგებო პერიოდის ბოლოს კომპანია განიხილავს ძირითადი საშუალებებისა და არამატერიალურ აქტივების სასარგებლო მომსახურების ვადებს. საჭიროების შემთხვევაში ხდება მათი ცვლილება. იმ შემთხვევაში, თუ აქტივის ღირებულება მის საბალანსო ღირებულებაზე ნაკლებია, აქტივის საბალანსო ღირებულება მცირდება მის აღდგენით ღირებულებამდე.

არამატერიალური აქტივები

არამატერიალური აქტივები თავდაპირველად აღიარდება თვითღირებულებით და ამორტიზდება წრფივი მეთოდით სასარგებლო მომსახურების ვადის პროპორციულად. ამორტიზაციის ხარჯი მოცემულია ცვეთისა და ამორტიზაციის ხარჯების მუხლში სრული შემოსავლის ანგარიშგებაში. თუ არსებობს აქტივის ამორტიზაციის განაკვეთის, სასარგებლო მომსახურების ვადის ან ნარჩენი ღირებულების მნიშვნელოვანი ცვლილების ნიშანი, ახალი მოლოდინების ასახვის მიზნით, ამორტიზაციის დარიცხვის ცვლილება აისახება არარეტროსპექტულად.

არამატერიალური აქტივების სასარგებლო მომსახურების ვადა 5-7 წელი.

დაბეგვრა

საქართველოს საგადასახადო კოდექსის შესაბამისად მოგების გადასახადით იბეგრება წმინდა მოგების განაწილება. საანგარიშგებო პერიოდში მოგების გადასახადის მოქმედი განაკვეთი არის 15 %, ტექნიკურად, გადასახადის დაანგარიშების მიზნებისთვის დასაბეგრ მოგებას მიესადაგება შემდეგი განაკვეთი - 15%/85%. მოგების გადასახადის გადახდა ხდება ფიზიკურ და არა-რეზიდენტ (როგორც ფიზიკურ, ისე იურიდიულ) პირებზე გაცემულ დივიდენდზე.

საგადასახადო კოდექსის შესაბამისად, მოგების გადასახადით იბეგრება შემდეგი ოპერაციები/გადახდები:

- დივიდენდის გადახდა
- სახელშეკრულებო და საბაზრო ფასის შორის სხვაობა
- ხარჯები, რომლებიც არ არის დაკავშირებული ეკონომიკურ საქმიანობასთან
- გადახდები, რომლებიც არ არის დაკავშირებული ეკონომიკურ საქმიანობასთან
- საქონლის უსასყიდლო მიწოდება
- ლიმიტის ზემოთ წარმომადგენლობითი ხარჯები

კომპანია აღიარებს მოგების გადასახადს და ვალდებულებას იმ პერიოდში, როდესაც ხდება დივიდენდის გამოცხადება, მიუხედავად იმისა, რომელი პერიოდის დივიდენდის გაცემას ეხება ან როდის გაიცემა.

საქართველოში არსებული საგადასახადო სისტემის სპეციფიკურობიდან გამომდინარე, აქტივებისა და ვალდებულებების საგადასახადო და ფინანსურ ბაზებს შორის სხვაობები არ წარმოშობენ გადავადებულ საგადასახადო აქტივსა და ვალდებულებას.

გადასახადები გარდა მოგების გადასახადისა აღიარდება იმ საანგარიშგებო პერიოდში რა პერიოდშიც წარმოიქმნება მავალდებულებელი მოვლენა. მავალდებულებელ მოვლენას წარმოადგენს ქმედება ან ფაქტი, რომელიც საქართველოს საგადასახადო კოდექსით განაპირობებს გადასახადის გადახდას. წინასწარ გადახდილი გადასახადები, რომლიდანაც მოსალოდნელია მომავალში ეკონომიკური სარგებლის მიღება აღიარდება აქტივად.

სააქციო კაპიტალი და საემისიო კაპიტალი

ჩვეულებრივი აქციები კაპიტალში აღიარებულია ნომინალური ღირებულებით და კლასიფიცირდება, როგორც „სააქციო კაპიტალი“. აქციების გამოშვებისას ნომინალური ღირებულების ნამეტით მიღებული თანხები კაპიტალში კლასიფიცირდება, როგორც „საემისიო კაპიტალი“.

დივიდენდები

დივიდენდები საკუთარ კაპიტალში აღიარდება, როგორც იმ პერიოდის კაპიტალის შემცირება, როდესაც გამოცხადდა დივიდენდები. დივიდენდები, რომლებიც გამოცხადებულია საანგარიშგებო პერიოდის შემდეგ, განიხილება, როგორც შემდეგი მოვლენა და შესაბამისად აისახება განმარტებით შენიშვნაში.

19. ძირითადი სააღრიცხვო პოლიტიკის მიმოხილვა (გაგრძელება)

ამონაგები

შემოსავლის განსაზღვრა ხდება საქონლის ან მომსახურების გაყიდვიდან მიღებული ან მისაღები ანაზღაურების რეალური ღირებულებით. შემოსავლები წარმოდგენილია ფასდაკლებების გამოკლებით. კომპანია ამონაგებს აღიარებს, როცა შემდეგი პირობებია შესრულებული:

- ამონაგების ოდენობის შეფასება შესაძლებელია საიმედოდ;
- მოცემული ოპერაციიდან მოსალოდნელია ეკონომიკური სარგებლის შემოსვლა საწარმოში.
- შესაძლებელია მომსახურების მიწოდების ხელშეკრულების შესრულების სტადიის საიმედოდ შეფასებასაანგარიშგებო პერიოდის ბოლოს; და
- შესაძლებელია მომსახურებაზე უკვე გაწეული და ხელშეკრულების მთლიანად შესასრულებლად საჭირო მომავალი დანახარჯების საიმედოდ შეფასება.

საოპერაციო იჯარა

კომპანია ქირაობს საოფისე ფართს თავისი საოპერაციო საქმიანობის განსახორციელებლად და აკლასიფიცირებს, როგორც საოპერაციო იჯარას. საოპერაციო იჯარის გადასახადების აღიარება ხდება ხარჯის სახით იჯარის ვადაზე დარიცხვის წრფივი მეთოდით, გარდა იმ შემთხვევისა, როდესაც სხვა სქემა უფრო ზუსტად ასახავს საიჯარო აქტივიდან.

თანამშრომელთა ხელფასები და სხვა სარგებელი

ხელფასები, ბონუსები და არაფულადი სარგებელი აღიარდება დარიცხვის მეთოდით იმ პერიოდში, როდესაც შესაბამისი სერვისი მიიღო კომპანიამ დასაქმებულისგან.

ხარჯების აღიარება

ხარჯების აღიარება ხდება სრული შემოსავლის ანგარიშგებაში, თუ წარმოიშობა მომავალი ეკონომიკური სარგებლის შემცირება, რაც დაკავშირებულია აქტივის შემცირებასა ან ვალდებულების ზრდასთან, რაც შეიძლება საიმედოდ განისაზღვროს.

ხარჯები გაწევისთანავე აღიარდება მოგებისა და ზარალის ანგარიშგებაში, თუ ხარჯებისგან ეკონომიკური სარგებლის მოტანა მომავალში აღარაა მოსალოდნელი ან თუ მომავალი ეკონომიკური სარგებელი აღარ აკმაყოფილებს ბალანსში აქტივად აღიარების კრიტერიუმებს.

საანგარიშგებო პერიოდის შემდგომი მოვლენები

ანგარიშგების შედგენის თარიღის შემდგომი მოვლენები და ფინანსური ანგარიშგების ავტორიზაციის თარიღამდე მომხდარი მოვლენები, რომლებიც დამატებით ინფორმაციას იძლევიან კომპანიის ფინანსური პოზიციის შესახებ, აისახება ფინანსურ ანგარიშგებაში. საანგარიშგებო პერიოდის შემდგომი მოვლენები, რომლებიც გავლენას არ ახდენენ კომპანიის ფინანსურ მდგომარეობაზე ანგარიშგების შედგენის თარიღისთვის, მაგრამ არსებითი მნიშვნელობისაა, აისახება ფინანსური ანგარიშგების თანდართულ შენიშვნებში.

ანარიცხები, პირობითი ვალდებულებები და პირობითი აქტივები

პირობითი ვალდებულებები არ აისახება ფინანსურ ანგარიშგებაში, გარდა იმ შემთხვევისა, როდესაც მოსალოდნელია ეკონომიკური სარგებლის გასვლა კომპანიიდან, და შესაძლებელია ამ ვალდებულების საიმედოდ შეფასება. პირობითი ვალდებულებების შესახებ ინფორმაცია მოცემულია ფინანსური ანგარიშგების განმარტებით შენიშვნებში, გარდა ისეთი პირობითი ვალდებულებებისა, რომლებთან დაკავშირებული ეკონომიკური სარგებლის გასვლა კომპანიიდან არ არის მოსალოდნელი.

ფინანსურ ანგარიშგებაში არ აისახება პირობითი აქტივები. მაგრამ ისეთი ფინანსური აქტივების შესახებ ინფორმაცია, რომლებთან დაკავშირებული ეკონომიკური სარგებლის შემოსვლა კომპანიაში შესაძლებელია - აისახება განმარტებით შენიშვნებში. იმ შემთხვევაში, თუ კომპანიას აქვს რწმუნება, რომ ეკონომიკური სარგებელი შემოვა კომპანიაში, მაშინ მასთან დაკავშირებული აქტივი და შემოსავალი აისახება იმ პერიოდის ფინანსურ ანგარიშგებაში, როდესაც ადგილი ქონდა შეფასების ცვლილებას.

19. ძირითადი სააღრიცხვო პოლიტიკის მიმოხილვა (გაგრძელება)

ანარიცხი წარმოადგენს ვალდებულებას, რომელიც დაკავშირებულია რაოდენობრივ და დროით განუსაზღვრელობებთან. ვალდებულება კი წარმოადგენს კომპანიის მიმდინარე დავალიანებას, რომელიც წარმოიშვა წარსული მოვლენის შედეგად, და რომლის დაფარვა გამოიწვევს კომპანიიდან ეკონომიკური სარგებლის გადინებას.

ვალდებულების წარმომშობი მოვლენა არის მოვლენა, რომელიც წარმოშობს სამართლებრივ ან

კონსტრუქციულ ვალდებულებას, რაც გულისხმობს, რომ კომპანიას არ გააჩნია სხვა რეალური ალტერნატივა, და მან უნდა დაფაროს თავისი ვალდებულებები. სამართლებრივი ვალდებულება გამომდინარეობს:

- გარიგებიდან (ხელშეკრულებაში დაფიქსირებული ან ნაგულისხმევი პირობების გათვალისწინებით);
- კანონმდებლობიდან; ან
- სხვა სამართლებრივი ქმედებიდან.

კონსტრუქციული ვალდებულება გამომდინარეობს კომპანიის ქმედებიდან, სადაც:

- წარსულში დადგენილი პრაქტიკიდან, კომპანიის მიერ გამოქვეყნებული პოლიტიკიდან ან სპეციფიკური მიმდინარე ანგარიშგებიდან გამომდინარე, კომპანია მიაჩნის სხვა მხარეებს, რომ იგი იღებს გარკვეულ პასუხისმგებლობებს; და
- შედეგად, მესამე მხარეს კომპანიასთან მიმართებაში გააჩნია გარკვეული მოლოდინი, რომ იგი შეასრულებს ამ პასუხისმგებლობებს.